

18-11/93

STRANKA DEMOKRATSKE AKCIJE
OGRANAK SJENICA

I N F O R M A C I J A

Sjenica, 21.09.1993.god.

U selu Aliveroviće, mjesna zajednica Rasno, oko 5 sati ujutro, pripadnici MUP-a Srbije izvršili su pretres u kući Murata Suljevića (brata predsjednika SDA - Ogranak Sjenica Džemila Suljevića) i Sulja Suljevića.

Prilikom pretresa u kući Murata Suljevića, koji je sa sinovima na radu u inostranstvu, pripadnici MUP-a su razbili ulazna vrata kuće a detaljan pretres su izvršili u kući, pomoćnim zgradama kao i na cjelokupnom imanju.

Usljed brutalnog upada u kuću supruga Murata Suljevića - Ibrima pretrepela je nervni šok pa je odvedena u bolnicu i trenutno je u teškom psihičkom stanju.

Uhapšen i priveden u Stanicu milicije u Sjenici je Zekrija Suljević 24-godišnji sin Sulja Suljevića. U postupku privodjenja i saslušavanja Zekrije Suljevića pripadnici MUP-a su ispoljili krajnju brutalnost i bezobzirnost. Sa privezanim rukama na leđjima Zekrija je u gepeku automobila dovezen do Sjenice a prilikom isledjivanja koje je trajalo od 6 izjutra do 23 naveče (21.09.) i od 8 do 10 sati (22.09.) izjutre Zekrija je fizički maltretiran i napastvovan.

U Sjenici,
22.09.1993.god.



SDA SJENICA
informativna služba

M. Kipuljanin